



I. PRINCIPADO DE ASTURIAS

• OTRAS DISPOSICIONES

CONSEYERÍA D'EDUCACIÓN, CULTURA Y DEPORTE

RESOLUCIÓN de 18 de payares del 2014, de la Conseyería d'Educación, Cultura y Deporte, pola que s'aprueba la convocatoria en réxime de concurrencia competitiva de subvenciones pal incrementu bibliográficu y l'adquisición d'obres publicaes n'asturianu o gallego-asturianu por parte d'entidaes locales que sían titulares de biblioteques integraes na Rede de Biblioteques del Principáu d'Asturies.

Examináu l'espedito de referencia, resulten los siguientes

Antecedentes

Primeru.—L'Estatutu d'Autonomía del Principáu d'Asturies y la Llei 1/98, de 23 de marzu, d'Usu y Promoción del Bable/Asturianu, señalen como competencia del Principáu'l fomentu y la protecció del asturianu nes sos distintes variantes que, como modalidaes llingüístiques, s'usen nel territoriu del Principáu d'Asturies, mesmo que del gallego-asturianu nel so ámbitu.

De magar l'aprobación d'esta normativa, el Principáu d'Asturies asumió la direcció, coordinació y execució de les actividaes relacionaes col asturianu y vien estableciendo midies específiques de promoción del mesmu, respetando siempre los principios de llibertá y voluntariedá nel so usu pola ciudadanía. Ente estes midies ta la collaboració coles entidaes locales que, pola so proximidá a la ciudadanía y como titulares de biblioteques, son quien pueden facilitar de manera directa l'accesu de la población asturiano a la llectura de les obres escrites n'asturianu o gallego-asturianu.

Segundu.—La xestión de la política llingüística ta integrada nel ámbitu de la Conseyería d'Educación, Cultura y Deporte acordies colo que se dispón nel Decretu 4/2012, de 26 de mayu, de Reestructuración de les Conseyerías qu'integren l'Alministración de la Comunidá Autónoma, en relación col Decretu 74/2012, de 14 de xunu, pol que s'establez la estructura orgánica básica d'aquella.

Terceru.—Por Resolución de 10 de marzu del 2014 de la Conseyería d'Educación, Cultura y Deporte (BOPA n.u 64 de 18 de marzu del 2014), modificada por Resolución de 4 d'abril del 2014 (BOPA n.u 91, de 21 d'abril del 2014) y modificada por Resolución de 6 d'agostu del 2014 (BOPA n.u 197, de 25 d'agostu del 2014), apruébase'l Plan Estratégicu de Subvenciones pal exerciciu 2014, que nel so Anexu I incluye la llinia de subvenciones pal incrementu bibliográficu y l'adquisición d'obres publicaes n'asturianu o gallego-asturianu a les entidaes locales que sían titulares de biblioteques integraes na Rede de Biblioteques del Principáu d'Asturies.

Cuartu.—Por Resolución de la Conseyería d'Educación, Cultura y Deporte de 29 d'ochobre del 2014 apruébense les bases reguladores de la concesión de subvenciones pal incrementu bibliográficu y l'adquisición d'obres publicaes n'asturianu o gallego-asturianu por parte d'entidaes locales que sían titulares de biblioteques integraes na Rede de Biblioteques del Principáu d'Asturies.

Quintu.—Acordies colo dispuesto na Resolución de 16 de mayu del 2005, de la Conseyería d'Economía y Alministración Pública, pola que s'establez el sistema d'información contable de l'Alministración del Principáu d'Asturies y el so sector públicu y s'aprueben les normes sobre los procedimientos de xestión, tramitación y réxime de contabilidad na execució del presupuestu de gastos, la Intervención Delegada, en fecha 17 de payares del 2014, emitió'l correspondiente informe fiscal favorable.

Fundamentos de derechu

Primeru.—La Llei 38/2003, de 17 de payares, Xeneral de Subvenciones, establez nel so artículu 22 que'l procedimientu ordinariu de concesión de subvenciones tramítase en réxime de concurrencia competitiva, esto ye, pente medies de l'aprobación de la convocatoria pública correspondiente previa aprobación de les bases reguladores de la mesma. Coles mesmes, el Decretu 71/1992, de 29 d'ochobre, que regula'l Réxime Xeneral de Concesión de Subvenciones, establez nos sos artículos 6.2 y 7 que la concesión de subvenciones innominaes y xenériques nel ámbitu de la comunidá autónoma del Principáu d'Asturies faise por convocatoria pública, previa aprobación de les bases reguladores de la mesma.

Segundu.—La competencia p'aprobar les bases y convocar la concesión de la subvenció correspuende a la Conseyería d'Educación, Cultura y Deporte, tal que s'establez nel artículu 38 de la Llei del Principáu d'Asturies 6/1984, de 5 de xunetu, del Presidente y del Conseyu de Gobiernu, y nel artículu 5 del Decretu 4/2012, de 26 de mayu, de Reestructuración de les Conseyerías qu'integren l'Alministración de la Comunidá Autónoma.

Terceru.—L'autorización del gastu ye competencia de la persona titular de la Conseyería d'Educación, Cultura y Deporte, acordies colo que s'establez nel artículu 41 del Testu Refundíu del Réxime Económicu y Presupuestariu, aprobáu por Decretu Llexislativu del Principáu d'Asturies 2/1998, de 25 de xunu, en relación col artículu 8.1 de la Llei del Principáu



d'Asturies 3/2012, de 28 d'avientu, de Presupuestos Xenerales pal 2013, prorrogas mientras l'exerciciu 2014 por mor del Decretu 127/2013, de 30 d'avientu.

Cuartu.—La Llei 38/2003, de 17 de payares, Xeneral de Subvenciones, establez nel so artículu 23.2 el conteníu mínimu de les convocatories aprobaes pol órganu competente.

Quintu.—Existe creitu amañosu y suficiente na aplicación presupuestaria 14.04.422R.762.082 de los Presupuestos Xenerales del Principáu d'Asturies pal exerciciu 2013, prorrogas mientras l'exerciciu 2014.

D'esta miente, vistos los preceptos llegalos citaos y demás d'aplicación xeneral, pola presente,

RESUELVO

Primeru.—Autorizar un gastu destináu a la presente convocatoria, por importe de 20.000,00 € (venti mil euros), con cargu a l'aplicación presupuestaria 14.04.422R.762.082, de los Presupuestos Xenerales del Principáu d'Asturies pal exerciciu 2013, prorrogas mientras l'exerciciu 2014.

Segundu.—Aprobar la convocatoria pública de subvenciones, en réxime de concurrencia competitiva, pal incrementu bibliográficu y l'adquisición d'obres publicaes n'asturianu o gallego-asturianu por parte d'entidaes locales que sían titulares de biblioteques integraes na Rede de Biblioteques del Principáu d'Asturies, que va llevase alantre acordies coles prescripciones que s'indiquen darréu:

1.—Oxetu

Esta convocatoria tien como oxetu regular la concesión d'ayudes económiques en réxime de concurrencia competitiva a les entidaes locales contemplaes nel artículu 3.1.a) de la Llei 7/1985, de 2 d'abril, Reguladora de las Bases del Réxime Local, que sían titulares de biblioteques integraes na Rede de Biblioteques del Principáu d'Asturies, pal incrementu bibliográficu y l'adquisición d'obres publicaes n'asturianu o gallego-asturianu, colos requisitos establecíos tanto nes bases reguladores como nesta convocatoria pública de subvenciones.

2.—Réxime xurídicu

Ensin perjuiciu de lo que se dispón na Llei 38/2003, de 17 de payares, Xeneral de Subvenciones; el Reglamentu de desenvolvimientu de la Llei Xeneral de Subvenciones, aprobáu por Real Decretu 887/2006, de 21 de xunetu; el Decretu 71/1992, de 29 d'ochobre, que regula'l Réxime Xeneral de Concesión de Subvenciones; el Decretu 105/2005, de 19 d'ochobre, pol que se regula la concesión de subvenciones a entidaes locales en réxime de concurrencia competitiva, y demás disposiciones llegalos que resulten d'aplicación, esta convocatoria de subvenciones va rexise poles Bases reguladores aprobaes por Resolución de la Conseyería d'Educación, Cultura y Deporte de 29 d'ochobre del 2014.

3.—Gastos subvencionables y cuantía mínima

1.) Namás va considerase como gastu subvencionable'l que se faga pa l'adquisición de fondos bibliográficos nuevos d'obres lliteraries de cualesquier xéneru publicaes n'asturianu o gallego-asturianu (incluyéndose tamién aquelles obres bilingües o trilingües que contemplen l'asturianu o gallego-asturianu n'igualdá de condiciones tipográfiques que la/les otra/es llingua/es) y siempres que la mentada adquisición se faga ente'l 1 de setiembre y el 20 d'avientu del 2014.

L'adquisición de les obres habrá facese n'establecimientos de comerciu minorista de llibros (llibreríes) que los sos puestos de venta al públicu tean allugaos nel conceyu solicitante de l'ayuda.

Nun van ser subvencionables los gastos realizaos pa l'adquisición d'obres lliteraries compuestes de manera esclusiva n'otres llingües, incluyiu'l castellán.

2.) La cuantía mínima de l'ayuda por beneficiariu nesta convocatoria ye de 100 euros.

4.—Beneficiarios y requisitos pa solicitar la subvención

1.) Van poder participar nesta convocatoria como solicitantes aquelles entidaes locales recoyíes nel artículu 3.1.a) de la Llei 7/1985, de 2 d'abril, Reguladora de les Bases del Réxime Local (conceyos), que sían titulares de biblioteques integraes na Rede de Biblioteques Públiques del Principáu d'Asturies.

2.) La solicitú va presentase nel modelu normalizáu que s'incorpora como Anexu I a esta convocatoria. Cada conceyu puede presentar namás una solicitú.

La solicitú va dir acompañada de los documentos que s'indiquen darréu:

- Documentación acreditativa de la personalidá y de la representación cola qu'actúa'l solicitante.
- Certificación del secretariu/a de la entidá solicitante nel que s'acredite que'l conceyu ye titular de biblioteques integraes na Rede de Biblioteques del Principáu d'Asturies.
- Certificación del secretariu/a o declaración responsable de la persona que represente a la entidá local tocante a nun tar incursa esta nes prohibiciones pa llograr la condición de beneficiaria, previstes nel artículu 13 de la Llei 38/2003, de 17 de payares, Xeneral de Subvenciones. Esta declaración habrá incluyir, coles mesmes, la relación de subvenciones solicitaes y concedíes cola mesma finalidá, especificando tamién si se procedió o non a la xustificación de les subvenciones y ayudes concedíes con anterioridá pol Principáu d'Asturies.

d) Certificación del Secretariu/a de que la entidá ta al corriente nel cumplimientu de les sos obligaciones tributaries y frente a la Seguridad Social tal qu'esixe l'artículu 14 de la Llei 38/2003, de 17 de payares, Xeneral de Subvenciones. La presentación del certifiáu espedíu pol Rexistru de Documentación Alministrativa d'Entidaes Locales, al que se refier l'artículu 11 del Decretu 105/2005, de 19 d'ochobre, pol que se regula la concesión de subvenciones a entidaes locales



en réxime de concurrencia competitiva va permitir nun presentar la documentación alministrativa vixente y anotada nel mesmu.

5.—Plazu y situu pa la presentación de solicitúes

1.) Les solicitúes han presentase nel plazu de 10 díes naturales a cuntar dende l'otru día d'espublizase la presente convocatoria nel *Boletín Oficial del Principáu d'Asturies*. El formulariu de solicitú (Anexu I) ha acompañase de la totalidá de la documentación esixida.

Si la solicitú nun reúne los requisitos establecíos na norma de la convocatoria, l'órganu competente va pidir a la persona o entidá interesada que la igüe nel plazu máximu y improrrogable de 10 díes hábiles, con encamientu de que, si nun lo fixere asina, va considerase que desistió del so pidimientu, depués de resolución que va tener que se dictar nos términos del artículu 71 de la Llei 30/1992, de 26 de payares, de Réxime Xurídicu de les Alministraciones Públiques y del Procedimientu Alministrativu Común.

2.) El situu de presentación de les instancies va ser el Rexistru Xeneral del Principáu d'Asturies (Cai Coronel Aranda, n.º 2, planta plaza, 33005 Uviéu), o per cualquiera de los medios establecíos n'artículu 38.4 de la Llei de Réxime Xurídicu de les Alministraciones Públiques y del Procedimientu Alministrativu Común. Si, usando esti derechu, l'espedito únviase per corréu, habrá que lu presentar en sobre abiertu pa que'l personal de correos feche y selle la solicitú primero de que se certifique.

6.—Comisión de Valoración y órganu competente pa la instrucción y resolución del procedimientu

1.) La Comisión va tar presidida pola persona titular de la direcció xeneral competente en materia de política llingüística (o persona na que delegue), y integrada amás por un mínimu de tres y un máximu de seis persones que van actuar en calidá de vocales, de les que pelo menos dos han ser personal adscrito al órganu instructor, y les otres podrán ser persones vinculaes al ámbitu de la llingua y bibliografía asturiana o persones nomaes poles asociaciones o entidaes que representen los intereses del sector del llibru. Va actuar como Secretariu/a un empleáu públicu o una empleada pública con adscripción a la consejería competente en materia de política llingüística.

Nel casu d'ausencia o enfermedá, y en xeneral cuando se dea dalguna causa xustificada, los miembros titulares de la Comisión de Valoración van ser sustituyíos por quien l'órganu competente nome como suplentes.

2.) L'órganu instructor va ser el Serviciu de Política Llingüística, y el procedimientu va resolverse por resolución de la persona titular de la Consejería d'Educación, Cultura y Deporte.

El plazu máximu pa resolver y notificar la resolución del procedimientu va ser de seis meses. El plazu va computase de magar s'espulice la convocatoria correspondiente.

Desque trescurra'l plazu máximu ensin recaer resolución espresa, les entidaes solicitantes van poder entender desestimaes les solicitúes por silenciu alministrativu.

7.—Procedimientu, criterios d'axudicación y propuesta de concesión

1.) El procedimientu de concesión de subvenciones va tramitase en réxime de concurrencia competitiva, na forma establecida nel artículu 24 de la Llei Xeneral de Subvenciones, coles precisiones conteníes nes bases reguladores.

2.) Rematáu'l plazu de presentación de solicitúes y, nel so casu, el de subsanación, una Comisión de Valoración, nomada pola persona titular de la consejería competente en materia de política llingüística, va estudiar y evaluar les solicitúes presentaes, y va aplicar los criterios d'axudicación.

3.) La cuantía de la subvención establezse con criterios poblacionales (tomando como referencia los datos del Institutu Nacional d'Estadística a fecha 1 de xineru del 2013). Va asignase a cada entidá solicitante un Valor de Beneficiariu (B) a partir del cual va calculase l'ayuda. Pa establecer esi valor B, va clasificase de primeres a les entidaes locales solicitantes por númberu d'habitantes, llogrando'l valor homologáu de población P, acordies cola escala siguiente:

Población	P
De 0 a 1.000	1.000
De 1.001 a 2.000	2.000
De 2.001 a 3.000	3.000
De 3.001 a 4.000	4.000
De 4.001 a 5.000	5.000
De 5.001 a 10.000	10.000
De 10.001 a 15.000	15.000
De 15.001 a 20.000	20.000
De 20.001 a 25.000	25.000
De 25.001 a 30.000	30.000
De 30.001 a 40.000	40.000
De 40.001 a 50.000	50.000
De 50.001 a 60.000	60.000
De 60.001 a 70.000	70.000
De 70.001 a 80.000	80.000
De 80.001 a 90.000	90.000
De 90.001 a 100.000	100.000

Población	P
De 100.001 a 125.000	125.000
De 125.001 a 150.000	150.000
De 150.000 a 175.000	175.000
De 175.000 a 200.000	200.000
De 225.000 a 250.000	250.000
De 250.000 a 275.000	275.000
De 275.000 a 300.000	300.000

Darréu, y pa favorecer un equilibriu mayor, va aplicase al valor P esti coeficiente o índice corrector (IC):

Población	IC
De 0 a 3.000	1,6
De 3.001 a 5.000	1,4
De 5.001 a 30.000	1,2
De 30.001 a 100.000	1
De 100.001 en adelante	0,8

El productu de los factores P y IC va dexar llograr el Valor de Beneficiariu (B).

Va procedese depués al repartu ente les entidaes solicitantes, pente medies de l'aplicación d'una fórmula matemática colos parámetros siguientes:

$$\text{Subvención} = \frac{\text{DC} \times \text{B}}{\text{BB}}$$

Factores de la fórmula:

- Valor DC: dotación de la convocatoria anual.
- Valor B: valor de cada beneficiariu.
- Valor BB: suma de los valores B de los beneficiarios.

4.) Desde se faga'l repartu, l'órganu instructor va formular la propuesta de resolución de la convocatoria, debidamente motivada, na que va espresase la relación de solicitúes pa quien se propón la concesión de subvención, y la so cuantía, y va unviase a quien exerza la titularidá de la consejería competente en materia de política llingüística, órganu competente pa resolveres.

5.) La resolución del procedimientu va publicase nel *Boletín Oficial del Principáu d'Asturies*. La mentada publicación va tener efectos propios de la notificación, y ello de conformidá colo qu'establez l'artículu 59.6 y concordantes de la Llei de Réxime Xurídicu de les Alministraciones Públiques y del Procedimientu Alministrativu Común. Esta resolución remata la vía alministrativa y contra ella cabe recursu contencioso-administrativu o, nel so casu, recursu potestativu de reposición, que habrá interponese ante l'órganu que dictó la resolución.

6.) Cuando'l creitu autorizáu nun seya abundu pa financiar les cantidaes asignaes d'aluerdu colos criterios de valoración señalaos enantes, ha amenorgase la cuantía de les subvenciones que se concedan, repartiendo'l déficit de financiación proporcionalmente a la cantidá asignada de primeres.

8.—Pagu de la subvención

1.) Sacante renuncia espresa, de la que se dicte la resolución de concesión va procedese al abonu anticipáu del 100 % de la subvención.

2.) Las entidaes locales beneficiaries d'estes subvenciones tan exonerades de la obligación de presentación de la garantía abonda, acordies colo qu'establez l'artículu 9 del Decretu 105/2005, de 19 d'ochobre, y nes Resoluciones de la Consejería de Hacienda de fecha 19 de marzu y 30 de xunetu del 2001 de modificación de la Resolución de fecha 11 de febreru del 2000, pola que se regula'l Réxime de Garantíes pal Abonu Anticipáu de Subvenciones. Coles mesmes, quedan exonerades de la obligación d'acreditar, con calter previu al cobru de les mesmes, que tán al corriente de les sos obligaciones tributaries y de Seguridá Social, tal que prevé l'artículu 10 del Decretu 71/1992, de 29 d'ochobre.

9.—Xustificación de la subvención

1.) La entidá beneficiaria ta obligada a executar y xustificar, acordies colos requisitos establecíos nestes bases y na convocatoria, el 100 % de l'ayuda concedida.

2.) La xustificación del cumplimientu del oxetu y condiciones de l'ayuda, y de la consecución de los fines previstos nel actu de concesión de la subvención va documentase pente medies de cuentas xustificatives del gastu que van poder ser sustituyíes por certificaciones del titular de la secretaría de la entidá, acreditatives del conteníu de las mentaes cuentas xustificatives.

El conteníu mínimu de les cuentas xustificatives va venir constituyíu por una relación de los fondos bibliográficos adquiríos na que se desglose por cada obra lliteraria'l títulu, autor/a, costu d'adquisición y la direcció completa del establecimientu de comerciu minorista onde s'efectúa la compra.



Nestes cuentas xustificatives habrán incluyise:

- a) Copies compulsaes pol secretariu de la entidá local de los documentos o factures orixinales.
- b) Un informe del interventor de la entidá local nel que figuren les subvenciones o ayudas concedíes pa la mesma finalidá por otros alministraciones o organismos públicos, mesmo que los recursos propios aportaos, con indicación de les sos respectivos cuantíes, o, nel so casu, informe negativu sobre estos estremos.

3.) El plazu máximu pa la xustificación de les ayudas concedíes va ser el 31 de xineru del 2015, sacante que por causes xustificaes se solicite y conceda prórroga, que nun va poder pasar de la metá del plazu concedíu de primeres. Coles mesmes, d'acordies tamién colos términos del artículu 49 de la Llei 30/1992, na redacción dada al mesmu pola Llei 4/1999, la solicitú d'ampliación habrá producise con anterioridá a la finalización del plazu que se marque.

4.) L'incumplimientu de la obligación de xustificación de la subvención nos términos establecíos o la xustificación insuficiente de la mesma va dar llugar al reintegru nes condiciones previstes n'artículu 37 de la Llei Xeneral de Subvenciones.

Terceru.—Disponer la publicación d'esta Resolución nel *Boletín Oficial del Principáu d'Asturies*.

Esti actu termina la vía alministrativa y contra'l mesmu pue interponese recursu contencioso-alministrativu ante la Sala de lo Contencioso-Alministrativu del Tribunal Superior de Xusticia del Principáu d'Asturies nel plazu de dos meses contaos dende'l día siguiente al de la so publicación nel *Boletín Oficial del Principáu d'Asturies*, ensin perjuiciu de la posibilidá d'interposición previa del recursu potestativu de reposición ante la Ilma. Sra. Conseyera d'Educación, Cultura y Deporte nel plazu d'un mes a contar dende'l día siguiente al de la so publicación nel *Boletín Oficial del Principáu d'Asturies*, nun pudiendo presentase al empar dambos recursos, acordies colo qu'establez l'artículu 28 de la Llei del Principáu d'Asturies 2/1995, de 13 de marzu, sobre réxime xurídicu de l'Alministración, y nel artículu 116 de la Llei 30/1992, de 26 de payares, de Réxime Xurídicu de les Alministraciones Públiques y del Procedimientu Alministrativu Común, y ensin perjuiciu de que los interesaos puedan exercitar cualesquier otru que consideren precedente.

Uviéu, 18 de payares del 2014.—La Conseyera d'Educación, Cultura y Deporte, Ana González Rodríguez.—Cód. 2014-19982.



(MODELU DE SOLICITÚ, ANEXU I)



00201400062

SUBVENCIONES PAL INCREMENTU BIBLIOGRÁFICU Y ADQUISICIÓN D'OBRES PUBLICAES N'ASTURIANU O GALLEGO ASTURIANU

Páxina 1 de 2

Espaciu reserváu pa rexistru alministrativu



GOBIERNU DEL PRINCIPAU D'ASTURIES

Entidá Local

NIF

Corréu electrónicu

N.º d'inscripción nel Rexistru de Documentación Alministrativa d'Entidaes Locales *(Cumplimentar cuando proceda)*

Representante legal

Primer apellíu

Segundu apellíu

Nome

NIF/NIE

Teléfonu *(fíxu/móvil)*

Fax

Corréu electrónicu

Señes a efectos de notificación

Cai/Plaza

C.P.

N.º

Bloque

Esc.

Pisu

Puerta

Provincia

Conceyu

Llugar

Autorizo a l'Alministración pa informame per aciu de mensaxes SMS o correos electrónicos del estáu de la mio solicitú mesmo que d'otru tipu d'avisos relacionaos que puedan ser del mio interés.

Oxetu de la solicitú

LLOGRU DE SUBVENCIÓN PAL INCREMENTU BIBLIOGRÁFICU Y L'ADQUISICIÓN D'OBRES PUBLICAES N'ASTURIANU O GALLEGO-ASTURIANU. BIBLIOTECA/QUES A LES QUE VAN DESTINASE LOS FONDOS:

¿Solicitó u llogró otres ayudes públiques o privaes en relación con esta solicitú?

Sí

Non

Ayudes solicitaes o llograes d'entidaes públiques o privaes *(Cumplimentar cuando proceda)*

Órganu xestor *(Cumplimentar cuando proceda)*

Pa llograr **más información** d'esti serviciu pue llamar al teléfonu d'atención ciudadana **012** o **985 279 100**, si la llamada la fai dende fuera del Principáu d'Asturies, o bien acudir a www.asturias.es. Tamién pue unviar el formulariu de solicitú al traviés de la sede electrónica del Principáu d'Asturies <https://sede.asturias.es>. Recordámos-y que pue consultar l'estáu d'esta solicitú en www.asturias.es dende la so área personal. Pa ello namás necesita disponer del DNIE, un certificaú dixital reconociu o la clave SAC.



00201400062

SUBVENCIONES PAL INCREMENTU BIBLIOGRÁFICU Y ADQUISICIÓN D'OBRES PUBLICAES N'ASTURIANU O GALLEGO ASTURIANU

Páxina 2 de 2

Espaciu reserváu pa rexistru alministrativu

GOBIERNU DEL
PRINCIPÁU D'ASTURIES

Documentación que debe aportarse

- Documentación acreditativa de la personalidad y de la representación cola qu'actúa'l solicitante.
- Certificación del Secretariu/a de la entidá solicitante na que s'acrite que'l conceyu ye titular de biblioteques integraes na Rede de Biblioteques del Principáu d'Asturies.
- Certificación del Secretariu/a o declaración responsable del representante de la entidá local relativa a nun tar incursa esta nes prohibiciones pa llograr la condición de beneficiaria.
- Certificación del Secretariu/a de que la entidá ta al corriente nel cumplimientu de les sos obligaciones tributaries y frente a la Seguridá Social o nel so casu certificáu emitíu pol Rexistru de Documentación Alministrativa d'Entidaes Locales.

La persona solicitante autoriza que l'Alministración del Principáu d'Asturies recabe al traviés de la plataforma d'intermediación de datos de les Alministraciones Públiques o al traviés d'otros sistemes que s'establezan, los datos personales necesarios pa la resolución del procedimientu al que se refer esti formulariu y que s'indiquen darréu:

- Al Ministeriu competente en materia d'Interior, la consulta de los datos d'identidá (DNI/NIE/TIE/certificáu comunitariu).
- A l'Axencia Estatal de l'Alministración Tributaria, la consulta de tar al corriente nel cumplimientu de les obligaciones tributaries estatales.
- Al Ente Públicu de Servicios Tributarios, la consulta de tar al corriente nel cumplimientu de les obligaciones tributaries cola Hacienda del Principáu d'Asturies.
- A la Tesorería Xeneral de la Seguridá Social, la consulta de tar al corriente nel cumplimientu de les obligaciones frente a la Seguridá Social.

AVISU. Si nun se marca casilla nenguna, **habrá acompañar a la solicitú la documentación correspondiente.**

La persona solicitante declara:

- > Que son ciertos y completos tolos datos de la presente solicitú, mesmo que tola documentación que presenta (la falsedá nun documentu públicu ye un delitu, acordies col artículu 392 del Códigu Penal).
- > Que se compromete a cumplir les condiciones que s'especifiquen na normativa aplicable.
- > Nun tar incursa nes prohibiciones pa llograr la condición de beneficiariu, señalaes nos apartaos 2 y 3 del artículu 13 de la Llei 38/2003, de 17 de payares, Xeneral de Subvenciones.
- > Alcontrase al corriente nel cumplimientu de les sos obligaciones tributaries y cola Seguridá Social.
- > Nun ser deudor de la Hacienda Pública del Principáu d'Asturies por deudes vencíes, líquidaes y esixibles.
- > Proceder a la xustificación de les subvenciones y ayudes concedíes con anterioridá pola Comunidá Autónoma.

ÓRGANU AL QUE SE DIRIXE: SERVICIU DE POLÍTICA LINGÜÍSTICA

FIRMA

En/N' a de del

En cumplimientu de lo dispuestu na Llei Orgánica 15/1999, de 13 d'avientu, de Protección de Datos de Calter Personal (LOPD), l'Alministración del Principáu d'Asturies pon nel so conocimientu que los sos datos personales llograos pente medies d'esti formulariu, mesmo que los xeneraos nel trescurso de la relación alministrativa, van ser incorporaos a un ficheru de la so titularidá nomáu PROCEDIMIENTOS ADMINISTRATIVOS, que la so finalidá ye la xestión de procedimientos alministrativos ante l'Alministración del Principáu d'Asturies: procedimientos alministrativos, procedimientos sancionadores, procedimientos de responsabilidá patrimonial, subvenciones, autorizaciones, beques, rexistros, actividaes clasificaes, uniones de fechu, xuntes arbitrales, etc. Y al ficheru nomáu TERCEROS, que la so finalidá ye la xestión de datos personales de toles persones que llogren o tuvieren contactu cola Alministración pública del Principáu d'Asturies pa garantizar la so fiabilidad. Amás, los sos datos van poder comunicase a la Hacienda pública y alministración tributaria, otros órganos de l'Alministración del estáu, otros órganos de la comunidá autónoma, otros órganos de la alministración local, fuerces y cuerpos de seguridá, organismos de la Seguridá Social, tribunales de cuentas, institutu nacional d'estadística, órganos xudiciales y interesaos lexítimos. Si ente la información qu'usté facilita hai datos de terceros, usté asume'l compromisu d'informa-yos de les cuestiones indicaes nel párrafu anterior. Usté puede exercitar los derechos d'accesu, rectificación, cancelación y oposición unviándolu pel mail o presentándolu de manera presencial el formulariu correspondiente a la Oficina d'Atención Ciudadana (SAC) nel Edificiu de Servicios Múltiples -c/ Coronel Aranda, 2, 33005 - Uviéu (Asturies)- o a los distintos rexistros de l'Alministración del Principáu d'Asturies. Pueden tamién exercitar estos derechos de forma electrónica al traviés del mesmu formulariu y que ta disponible na dirección siguiente: <https://sede.asturias.es>

Pa llograr **más información** d'esti serviciu pue llamar al teléfonu d'atención ciudadana **012 o 985 279 100**, si la llamada la fai dende fuera del Principáu d'Asturies, o bien acudir a www.asturias.es. Tamién pue unviar el formulariu de solicitú al traviés de la sede electrónica del Principáu d'Asturies <https://sede.asturias.es>. Recordámos-y que pue consultar l'estáu d'esta solicitú en www.asturias.es dende la so área personal. Pa ello namás necesita disponer del DNIe, un certificáu dixital reconocíu o la clave SAC.